

Broj: 01-04-2 -375/2016

Datum: 13.12.2016.

Na osnovu člana 20. Statuta Fonda za zaštitu okoliša FBiH („Službene novine FBiH, br: 33/06), a slijedom odredbi člana 69. stav (2) alineja d) Zakona o javnim nabavkama BiH (Službeni glasnik BiH, br: 39/14), direktor donosi sljedeću:

## **ODLUKU**

### **o poništenju Konkurentskog postupka javne nabavke usluga: Revizija finansijskih izvještaja za 2016. godinu Fonda za zaštitu okoliša FBiH**

#### **I**

Na osnovu Odluke o pokretanju postupka javne nabavke usluga, br: 01-04-2-330/2016 od 01.11.2016. godine, proveden je „Konkurentski postupka javne nabavke“ usluga – Revizija finansijskih izvještaja za 2016. godinu Fonda za zaštitu okoliša FBiH.

#### **II**

Ugovorni organ je dana 01.11.2016. godine na Portalu javnih nabavki objavio Obavještenje o nabavci broj: 1382-7-2-16-3-6/16.

#### **III**

Krajnji rok za dostavu ponuda bio je 11.11.2016.godine do 12:00 sati, a na adresu Ugovornog organa su blagovremeno pristigle ponude od 2 (dva) ponuđača i to sljedećim rasporedom: Grant Thornton d.o.o. Banja Luka i Baker Tilly Re Opinion d.o.o. Sarajevo.

#### **IV**

Analizom dokumentacije pristiglih ponuda, utvrđeno je sljedeće:

- Ponuđač Grant Thornton d.o.o. Banja Luka (broj protokola: u-04-5126/2016 od 11.11.2016. godine) u podkriteriju “Rok plaćanja (izražen u danima)” navodi 1203 dana, dok ponuđač Baker Tilly Re Opinion (broj protokola: u-04-5127/2016 od 11.11.2016. godine) u istom kriteriju navodi 390 dana.

Uzimajući u obzir Odgovor Federalnog Ministarstva Finansija broj 04-14-1-7379/16 V.F. od 28.11.2016. godine, a slijedom odredbi člana 12. stav 1) do 3) i člana 26. stav 2) Zakona o finansijskom poslovanju Federacije BiH (Službene novine Federacije BiH, br. 48/16), utvrđeno je da Fond za zaštitu okoliša FBiH potpada pod Zakon o finansijskom poslovanju FBiH, te da se odredbe Zakona o finansijskom poslovanju FBiH primjenjuju i na poslovne transakcije čija realizacija nije počela prije početka primjene ovoga zakona, a ugovori su zaključeni prije stupanja na snagu ovoga zakona.

Ponudeni rokovi ponuđača prelaze dozvoljeni zakonski rok od 60 dana, odnosno samo izuzetno, od 90 dana, što je ugovornom organu neprihvatljivo.

## V

Komisija za javnu nabavku usluga je, obzirom na rezultate navedene analize, konstatovala da postoje uslovi za poništavanje postupka javne nabavke usluga iz člana 69. stav (2) alineja d) Zakona o javnim nabavkama BiH, tj. *nijedna od primljenih ponuda nije prihvatljiva*.

Cijeneći navedeno direktor Fonda za zaštitu okoliša FBiH donosi odluku kao u dispozitivu.

### ***Pravna pouka:***

*Svaki privredni subjekat koji ima ili koji je imao interes za dodjelu ugovora o javnoj nabavci i koji smatra da je u predmetnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda Zakona i podzakonskih akata od strane ugovornog organa, može podnijeti žalbu u skladu sa članom 97. Zakona, na način i rokovima utvrđenim u članovima 99. i 101. Zakona.*

**Direktor**

  
**Dr. sci. oec. Fuad Čibukčić**

Prilog:

- Odgovor Federalnog Ministarstva Finansija

Dostaviti:

- ponuđačima  
- a/a